

BULETIN

PUSAT WAKAF DAN ENDOWMEN



KONVOI 30 TAHUN UTHM PRIHATIN

- MAJLIS BINGKISAN AIDILFITRI
- MAJLIS SAMBUTAN AIDILFITRI
- PROGRAM BERINFAQ DAN BERWAKAF SEMPENA RAMADHAN
- PENYERAHAN BANTUAN PERALATAN PASCA-BANJIR



ISI KANDUNGAN

E-Buletin Pusat Wakaf dan Endowmen

M/s

- Konvoi 30 Tahun UTHM Prihatin 1-2
- Promosi Kaunter Jualan No Plat UTHM 3
- Jerayawara 4
- Mesyuarat Pengurusan PWE Bil 1/2023 5
- Majlis Berbuka Puasa dan Sambutan 6
- Hari Lahir Staf PWE
- Program Bulan Berwakaf dan Berinfaq 7
- Sempena Ramdhan 2023 & Majlis Ringkas Penyerahan Bantuan
- Majlis Ramah Mesra dan Bingkisan 8
- Aidilfitri 2023
- Majlis Sambutan Hari Raya Aidiltri 9
- Penyerahan bantuan Peralatan Pasca Banjir 10

Sidang Redaksi

Penaung

En. Haizal bin Ahmad @ Mohamad

Penasihat

En. Azizam bin Mohd Khairan

Editor

Sdri. Nurul Atika Nabila Binti Jaharudin

Reka Grafik

Sdr. Muhamad Azley Ezham bin Norsamdi

Fotografi

Cik Nur Aina Farisha binti Mohd Hazeze

Cik Nur Atiqah binti Md Azali

Sidang Redaksi

Cik Amirah Afiqah binti Kamarudin

Pn. Nurul Nadiah binti Abdul Hamid



KONVOI 30 TAHUN UTHM PRIHATIN



Pusat Wakaf dan Endowmen telah menjayakan program Konvoi UTHM 30 Prihatin bagi menyambut ulang tahun UTHM ke 30 pada 16 Februari 2023 dengan kerjasama Yayasan UTHM dan Kelab Staf UTHM (KSUTHM). Program ini disertai oleh 14 buah kenderaan persendirian dengan nombor pendaftaran UTHM, 4 buah kenderaan rasmi Universiti dan sebuah bas. Melalui program ini, turut berlangsung lawatan rasmi ke Pejabat Pentadbiran dan Dewan Undangan Negeri Johor yang terletak di Kota Iskandar, Johor. Para peserta dan urusetia disambut oleh Pengerusi Jawatankuasa Pendidikan, Penerangan dan Komunikasi Negeri Johor, Cik Norlizah Noh sebagai wakil rasmi YAB Menteri Besar Johor.



Lawatan ini membuka peluang untuk mempromosikan UTHM seperti memberi pendedahan dengan pengisian taklimat dan kaunter promosi program belajar sambil bekerja melalui pembelajaran berterusan (APEL) atau program pascasiswazah di UTHM. Kaunter promosi jualan no plat UTHM juga turut serta ditawarkan kepada para pengunjung dan staf agensi-agensi jemputan.



Kemuncak program konvoi, para peserta diberi peluang untuk mengalami suasana di Stadium Sultan Ibrahim (SSI) yang gemilang canggih dengan fasiliti dan kemudahan yang dinikmati oleh pasukan bola sepak kebangsaan Negeri Johor iaitu JDT. Yayasan UTHM mengambil peluang untuk menyampaikan bantuan berupa keperluan harian & sejumlah wang tunai kepada Pusat Jagaan Warga Emas Nur Ehsan.

PROMOSI

Pusat Wakaf dan Endowmen telah mengambil peluang untuk membuka kaunter promosi jualan no plat UTHM dalam program besar yang dijalankan di UTHM antaranya di Program Amanat Naib Canselor 2023, Program Konvoi UTHM 30 dan Program TVET Expert Forum 2023.

12 Februari 2023

Program Amanat Naib Canselor 2023



Dalam program ini, NC, Prof. Ir. Ts. Dr. Ruzairi Abdul Rahim menzahirkan penghargaannya kepada semua staf selain menyampaikan amanatnya. Beliau turut berkongsi perancangan Universiti pada tahun semasa. Kaunter promosi jualan no plat dibuka bersama sepanjang program ini berlangsung sebagai usaha mempromosikan no plat UTHM kepada semua staf UTHM yang hadir.

16 Februari 2023

Program Konvoi 30 Tahun UTHM prihatin

Kaunter promosi jualan no plat UTHM telah dibuka di Bangunan Sultan Ismail, Kota Iskandar untuk mempromosikan no plat UTHM kepada staf-staf kerajaan Johor.



6 Mac 2023

Program TVET Expert Forum 2023 UTHM




Program ini dijalankan di Dewan Banquet, Dewan Sultan Ismail, bertujuan sebagai platform untuk berkongsi pandangan dan idea daripada pelbagai pihak berkaitan pemerkasaan TVET. Kaunter promosi jualan no plat UTHM dibuka bagi mempromosikan kepada jemputan yang hadir.

JERAYAWARA

Pada tahun 2023 ini, Program Jerayawara Pusat Wakaf dan Endowmen (PWE) UTHM ke Pusat Tanggungjawab (PTJ) dan fakulti- fakulti UTHM di jalankan.



Sehingga Mei 2023 , Program Jerayawara ini telah dijalankan sebanyak 5 kali secara maya melalui pautan 'google meet'. Program yang dijalankan adalah bersama staf Fakulti Kejuruteraan Elektrik dan Elektronik pada 30 Mac 2023, bersama Perpustakaan Tunku Tun Aminah (PTTA) pada 1 April 2023, bersama Pusat Pengajian Bahasa pada 5 April 2023, bersama Pusat Sukan Universiti, Pusat Pembelajaran Maya dan Pusat Perumahan Pelajar pada 10 April 2023, dan bersama Pusat Pengajian Umum Kokurikulum dan Pusat Teknologi Maklumat pada 12 April 2023.



Program Jerayawara dijalankan bagi memperkenalkan dan mempromosikan produk wakaf dan endowmen kepada staf UTHM. Selain itu, untuk memberi kesedaran tentang kepentingan berwakaf dan seterusnya penerangan tentang manfaat yang akan diterima oleh pewakaf dan penyumbang endowmen UTHM.

MESYUARAT



Mesyuarat pengurusan Pusat Wakaf dan Endowmen (PWE) bil 1/2023 dilaksanakan pada 6 April 2023, bertempat di bilik mesyuarat 2, Pusat Pengajian Bahasa. Mesyuarat dimulakan dengan bacaan doa oleh pengerusi mesyuarat merangkap pengarah Pusat Wakaf dan Endowmen. Mesyuarat ini bertujuan untuk membincangkan isu-isu pengurusan yang berbangkit dan status projek yang dirancang pada tahun semasa.

Bukan itu sahaja, turut dibincangkan, mesyuarat – mensyuarat lain yang akan dijalankan dan program-program yang akan dilaksanakan. Antara mesyuarat lain yang telah dilaksanakan sepanjang bulan Januari sehingga Mei adalah seperti berikut ;



Majlis Berbuka Puasa dan Sambutan Hari Lahir Staf PWE



Pada 11 April 2023, majlis berbuka puasa bersama semua staf Pusat Wakaf dan Endowmen telah berjaya diadakan yang bertempat di Secangkir Kopitam, Taman Universiti, Parit Raja. Cik Atikah binti Azali diberikan tanggungjawab untuk menguruskan majlis ini dan meraikan sambutan Hari Lahir bagi staf yang lahir dari bulan Januari sehingga April.

Tujuan majlis ini adalah untuk mengeratkan lagi hubungan silaturahim di antara staf- staf Pusat Wakaf dan Endowmen dan seterusnya membina suasana kerja yang harmoni dengan semangat kekeluargaan.



KEMPEN BULAN BERWAKAF DAN BERINFAQ SEMPENA RAMADHAN 2023 & PENYERAHAN BANTUAN



Pusat Wakaf dan Endowmen UTHM telah menjalankan Program berwakaf dan berinfaq sepanjang bulan Ramadhan 2023. Program ini terbuka kepada semua staf dan orang awam yang tidak ingin melepaskan peluang untuk membuat amal jariah pada bulan yang mulia. Tiga pakej berbeza ditawarkan, antaranya sumbangan kurma, sumbangan air mineral dan sumbangan hamper makanan asas kepada pelajar - pelajar UTHM dan masyarakat warga kerja UTHM.

Sesiapa boleh menyumbang dengan memilih pakej sumbangan yang diinginkan dan membuat pembayaran. Terserah kepada penyumbang, sama ada ingin menyumbang sendiri kepada pihak yang mereka inginkan atau menyerahkan kepada PWE untuk menguruskan hasil sumbangan tersebut.

Majlis ringkas diadakan pada 16 April 2023 bersamaan 26 Ramadhan, yang di sampaikan oleh PM. Dr. Mohd Lizam bin Mohd Diah (Pengarah Kelestarian Kewangan) dan Puan Hawa binti Omar (Pengarah BizDec) kepada penerima sumbangan.



MAJLIS RAMAH MESRA DAN BINGKISAN AIDILFITRI 2023



Pada 18 April 2023, Majlis Ramah Mesra dan Penyampaian Bingkisan Aidilfitri kepada staf UTHM yang terpilih dan pesara-pesara UTHM oleh Naib Canselor UTHM, Prof. Ir. Ts. Dr. Ruzairi Abdul Rahim diadakan. Pihak PWE dan Pejabat Pendaftar juga mengunjungi staf pesara UTHM untuk menyampaikan cenderahati di rumah mereka.



MAJLIS SAMBUTAN HARI RAYA AIDILFITRI 2023



Pada 18 Mei 2023, Pusat Wakaf dan Endowmen bersama Pusat Pembangunan Perniagaan (BizDec) dan Pusat Pembelajaran Berterusan (PPBA) telah menjayakan satu program sambutan hari raya aidilfitri antara mereka. Majlis dimulakan dengan bacaan doa dan tazkirah syawal oleh Ustaz Mohamad Shahrir bin Abdul Mutalib, diikuti ucapan daripada PM. Ts. Dr. Musli bin Mohammad (Pengarah PPBA) dan Prof. Sr. Dr. Wan Zahari bin Wan Yusoff (Mantan Pengarah Bizdec). Seterusnya, sesi berselawat ke atas Nabi Muhammad S.A.W yang diketuai oleh Ustaz Mohamad Shahrir dan diakhiri dengan jamuan yang telah disediakan.



PENYERAHAN BANTUAN PERALATAN PASCA BANJIR

Pengarah Pusat Wakaf & Endowmen berbesar hati menyampaikan bantuan peralatan sokongan banjir bagi Yayasan UTHM bernilai RM 10,000 kepada Pengurus Yayasan. Pihak PWE berharap peralatan dapat dimanfaatkan dan sokongan dalam Misi Sukarelawan UTHM.

